





衛生衆妙方卷之八

四明芝園主人集

諸瘡門

益都堯岡山人校

神授東華益壽膏 此方得之天寶洞中一老人授  
之治一切無名惡瘡諸藥不効者用緋紅綿帛  
料瘡大小唾津攤貼勿留口不見火有神効  
先熬五枝膏

桃枝 柳枝 槐枝 榆枝 桑枝 加枸杞

皮各剉碎五升共三斗用長流水一擔同熬至  
五分去渣加當歸末四兩慢火熬成膏滴水中  
不散為度



五枝膏兩淨瀝青斤淨黃香斤乳香末兩沒藥  
一兩輕粉錢二黃蠟兩一血竭末錢二麝香末錢二安息香  
 末錢五黃丹兩一瓜綠末細者二兩極用川芎白芷同  
 香油煎熟去藥不用春夏用油四兩秋冬用油  
 六兩先煎油熱次下瀝青黃香黃蠟鎔開下五  
 枝膏用槐枝攪二百餘下乳香沒藥血竭輕粉  
 安息香黃丹再攪二百餘下麝香瓜綠再攪三  
 百遍滴水盆內浮者為度同藥傾於水盆內浮  
 者似青荷葉為度沉香色者再熬拔扯二百餘  
 遍搓成鷄子大塊水盆內浸一宿撈出控

紙托盤內放之冬溫處夏涼處如貼腦疽發背  
 潰爛之處用槐枝葱白煎湯洗淨三五日一換  
 煎熬此藥不犯鐵器

拔生膏 治諸般惡瘡及癩癰鼠瘡纔起點破即愈

血竭錢一蟬酥錢三麝香分五雄黃錢五輕粉錢三乳香  
 沒藥各二錢

右用蕎麥稽灰或真炭灰一斗二升淋灰湯八  
 九碗用粟柴或桑柴文武火煎作三碗取一碗  
 收留將二碗盛於好磁器內候溫將前七味藥  
 碾為極細末入灰湯內用鐵瓢或桑柳枝右攪



又用好細石灰一升入藥灰湯攪勻取出候冷  
過宿盛入小白磁罐內凡諸惡瘡點在當頭一  
日二次次日又一次瘡頭食破約五分血水出  
為妙恐日久藥乾將前次留灰湯和用

神仙太乙膏 治癰疽及一切瘡毒不問年月深淺  
已未成膿者並治之如發背先以溫水洗淨軟  
帛拭乾用緋帛攤貼之更作丸用冷水送下血  
氣不通溫酒下赤白帶下當歸酒下咳嗽及喉  
閉纏喉風並用新綿裹置口中噙化下一切風  
赤眼捏作小餅貼太陽穴更以山梔子湯下

破傷損者貼之橘皮湯下腰膝痛者患處貼之  
鹽湯下吐血者桑白皮湯下以蛤粉為衣其膏  
可收十餘年不壞愈久愈烈又治癩癧癩瘡並  
用鹽湯洗貼酒下一丸婦人經脈不通并草湯  
下一切疥別煉油少許和膏塗之虎犬蛇蝎湯  
火刀斧傷者皆可內服外貼

玄參 白芷 當歸 赤芍藥 肉桂 生地

黃 大黃 各一兩

右為粗片用香油二斤入銅鍋內煎至黑濾去  
渣入黃丹十二兩再煎滴水中捻軟硬得中即



成膏

製丹法黃丹先炒黑色傾入缸內用滾水一桶泡之再汲涼水滿缸用棒常攪浸一宿去水再炒如前二次方研務令極細可用

陶節庵曰予常用治瘡毒并內癰有奇効忽一婦月經不行腹結塊作痛貼之經行痛止後隨前云治證無有不効愈知此方之妙也嘗以此膏施貼楊梅瘡毒潰爛者甚効有一人爛頭半邊貼之亦愈其一切瘡瘍癩癧赤眼并婦人月經不行俱效有驗

呼膿長肉膏

治癰疽發背疔瘡大癰癰已破出膿者用油阜紙攤勻貼上呼膿汁盛多將濕絹指淨又將此藥於火邊烘搽均再貼第三日不用另換一箇貼之瘡勢將收亦量瘡口大小貼之

麻油

三斤槐柳條各七寸入油內

頭髮

一團入油熬化盡

當歸

黃

耆黃連黃柏大黃黃芩白芷杏

仁防風荆芥羌活獨活連翹山

梔赤芍藥生地黃白芩金銀花青

藤各一兩

右將前藥挫研入油用文武火煎熬白芩紫黑



色住火瀝去渣再用水淘過淨黃丹八兩炒熟  
黃蠟五兩瀝青二兩待油滾漸漸加之看軟硬  
適中不粘手為度方加乳香沒藥血竭輕粉各  
一兩春冬宜軟秋夏宜硬

透骨膏 治一切疔瘡惡瘡已成膿者不能出用針  
微撥破瘡頭挑藥一米粒入瘡口次用清涼內  
消膏貼之

蝸牛 蟾酥 礪砂 輕粉 巴豆 各五錢

右將巴豆研如泥次下餘藥同研極細油紙裹  
定如有疔瘡用針微撥破用藥二次便愈

清涼內消膏 專治癰疽發背疔瘡大小癰一二日  
方起用油紙量瘡大小均貼上不許揭動待瘡  
消散則除之若瘡勢已過四五日則難退矣

芝麻油斤二大黃 金銀藤 黃芩 苦參 荆

芥 玄參 白芷 姜蚕 黃栢 桃仁 杏

仁 防風 梔子 羌活 獨活 蜂房 頭

髮 青藤 連翹 蛇蛻 木鱉子 川山甲

芍藥 南星 黃耆 當歸 黃連 各一兩五錢

右將前藥共剉碎入油內以文武火熬之待至  
白芷紫色住火瀝去渣用黃丹三斤先用水淘



過炒熟并麝香一兩羅過待前藥油熬滾漸漸  
加之滴水中看軟硬適中不粘手為度  
神機萬應秘傳膏

香白芷 兩頭尖 赤芍藥 白芍藥 生地

黃 熟地黃各五錢 當歸一兩一箇者 單麻子五十粒 木

鱉子五十箇 巴豆五十箇 乳香 沒藥 五靈脂

阿魏各五錢 川山甲大者五箇 炙黃為末 黃丹一斤飛過者 炒至黑色

槐枝用木許筋大 四十八根 柳枝與槐同 四十八根 香油二斤 真者

右咬咀先將巴豆以上諸藥切為細片乳香以  
下諸藥研為細末將香油二斤入巴豆

於磁罐中春浸五日夏三日秋七日冬十日浸  
畢取出入銅鍋內併入槐柳枝文武火熬至槐  
柳枝黑色方用細絹濾去藥渣方入黃丹在油  
內同熬外以槐枝一尺比筋大者頻頻攪之看  
火色將好油已成膏滴水如錢方入乳香以下  
諸藥末愈加頻頻攪良久以藥提起有細絲三  
五七根尺長不斷然後盛入二三小磁罐內放  
土地內以受五行之氣月餘方可用用時以絹  
綾攤之為上紙次之貼一應瘡毒皆効 凡用  
貼疔瘡以火焙手熨三百度發背等瘡二百度



無名腫毒一百五十度臙瘡對口一百三十度  
風氣一百七十度癰疥一百度餘不拘 熬藥  
之時宜空閑去處切忌婦女及童稚竊視此方  
傳之不難而製之甚難不難於吹咀而難于火  
色太早則藥嫩太遲則藥老嫩則油散而不成  
膏老則藥耗而難得化

神仙敗毒散 專治諸惡毒風毒疔瘡花瘡小兒惡

瘡氣滯腹脹婦人月經不通

大黃

一兩

白芷

六錢

沉香

木香

乳香

沒藥

川山甲

各五錢

右各研為細末大黃酒浸一宿晒乾為末量人  
虛實實者不過三錢虛者一錢半臨睡時好酒  
送下服後禁飲食湯水五更覺腹中疼痛三五  
度稀溫粥補之次早大便不動元陽只去毒脩  
合時要整衣冠不令婦人鷄犬見之此藥不可  
多合久恐不効

治一切疔瘡及無名腫痛惡瘡

用蒼耳草梗中虫一條入白梅肉三四分同搗  
如泥貼瘡上立愈取此虫頭看草梗有大蛀眼  
者以刀截去兩頭不蛀梗俟收多以粗麻線縛



之掛壁頭其虫不死在內經一年亦可取用細者用兩三條

金銀花湯 治癰疽發背及一切無名腫毒乳癰便毒等症不問已潰未潰或初起腫痛極熱無不効者金銀花即忍冬藤俗呼為甜藤其花開黃白二色故名金銀三四月間採江南極多採花連莖葉取自然汁半碗老酒半碗煎八分其渣即可敷於毒上如無取收乾者一握用水酒各半碗煎服此湯敗毒托裏散氣和血其功獨勝鄉村居人遠達城市皆備之更宜知此也

治發背疔腫諸瘡護心托裏累有効驗

白龍丸用生白礬礬為丸如梧桐子大每服七丸日進三服三日而止 黃龍丸用生白礬四兩研為細末黃蠟四兩銅器溶開去滓離火少澄入礬末且洒且攪如糊傍火丸如梧桐子大硃砂二錢研細為衣每服三十九丸清晨臨睡日進二服十日稍歇三日再服十日瘡極危者方服前一方稍輕者止用後一方

真人活命飲 治一切癰毒

川山甲三大片切碎以蛤粉炒過去蛤粉淨用 天花粉 乳香明透



滴耳草節 赤芍藥 白芷 貝母去心各防

風五分去蘆淨用沒藥五分川歸尾一錢五分陳皮一錢五分金

銀花三錢皂角刺五分在背皂角刺為君 在腹

白芷為君 在胸次加瓜蒌仁二錢 在四肢金

銀花為君 如疔瘡加紫河車草根三錢如無亦可

右作一貼用金華好酒一鍾半煎至一鍾溫服

煎時須用大瓦瓶以紙密封瓶口勿令泄氣服

時須隨瘡上下以分飲能飲酒者服藥後再

飲三五盃此藥並無酒氣不動臟腑不傷氣血

忌酸薄酒飲後宜定回生

陶節庵曰愚常用此方治一切癰疽疔腫不問

陰陽虛實善惡腫潰大痛或不痛先用此劑大

勢已退然後隨餘證調治其功甚捷誠仙方也

金華周峴峰亦常用此治人十無一失然當服

於未潰之先與初潰之時甚妙如毒已大潰或

不宜服

神仙蠟礬丸 治癰疽及腸癰托裏消毒固臟腑止

疼痛

黃蠟真者明礬三兩

先將黃蠟鎔開離火少溫入礬末和勻衆手急



丸如梧桐子大每服三三十九食前温酒下每  
日二服

陶節庵曰愚按此方不惟定痛生肌而已護膜  
止瀉消毒化膿及內癰排膿托裏之功甚大或  
金石補藥發疽非此莫能治更用白礬一兩每  
服一錢温酒調下尤効有遍身生瘡狀如蛇頭  
名曰蛇頭瘡尤宜服之每日百丸方有功效若  
蛇蝎并一切毒虫所傷熔化熱塗患處內更服  
之其毒即解為外科之要藥也服至三四兩之  
上愈見其功矣 此宜於癰毒潰後服之

甚穩服此必保無慮乃常驗之劑也

治久遠腫毒不能收口

用桑葉醋煮貼之

又方 烏梅燒存性為末敷之即愈

治男女一切惡瘡并小兒豆疹餘毒乳疽疔瘡

用老苦絲瓜連皮筋子全者燒存性研末纔生  
起每用末三錢白蜜調服日二夜一則腫消毒  
散不至內攻害人

治一切無名腫毒乳便等惡瘡

芍藥 梔子 黃芪 當歸 川芎 防風



甘草 瓜蒌 白芷 官桂 桔梗 連翹

金銀花 痛加乳香沒藥 大黃

右用水二鍾煎至七分臨時入好酒一鍾溫服  
患在上者食後在下者空心五更時服

治諸瘡方

土茯苓白者五斤 當歸三兩五錢 木瓜二兩五錢 木通 白蘚

皮 金銀花 皂角子 防風 薏苡仁各二兩五錢

右為粗片用水一鍾半煎至一鍾去渣溫服辰  
一服午一服兩服渣共煎一服忌口及忌

諸毒瘡方

李樹虫沙四兩 金銀花末十錢 三枚皂角

去弓絃 各炒熟黃杵爛 細揀勞心潔淨

惡疔瘡毒腫皆痊 五雙小棗水熬煎 調藥

立服便見

孫真人透骨小靈丹 專治諸般癆病積氣疔瘡等

症又治三十六疔七十二黃又治諸寒

蟾酥五錢 雄黃一錢 硃砂一錢 輕粉 血竭 辰砂各五錢

麝香少許

右為細末乳麩糊為丸如黃米大每服三丸用



葱三枝開孔入藥於內紙捲慢火燒熟酒送下  
小兒諸病用金銀研凉水送下

百般腫毒 服之神効

麝香一分待藥研乳香二錢白芷二錢姜蚕二錢  
麥皮炒杏仁二錢熱水浸去皮川山甲四片麥皮炒焦大黃五錢

肥瘦加減

右為末用蜜一盞半調勻再用當歸尾四錢用水四盞煎湯調下待大便去四五次吃薄粥止之

治無名腫毒一切敗毒散

當歸尾五錢白芷一兩防風一兩大黃五錢羌活 茸

草 蜂房 連翹 金銀花各一兩川山甲二兩

右為細末和勻每服三錢重甚用四錢以好酒調下如腫毒痛甚加乳香沒藥血竭皂角刺各一錢立効

荆防敗毒散 治瘡腫初起

羌活 獨活 柴胡 前胡 枳殼 茯苓

防風 荆芥 桔梗 川芎各一錢五分 甘草五分

右用水一鍾半煎至八分温服

治發背及一切無名腫毒



榆樹麩

賣香舖求之

大黃

皮硝

右三味榆麩一半黃硝二味共一半用童便調敷毒處乾則再敷如毒已成留頭令出氣止敷其週圍此經驗神方也

治諸腫發背一應惡瘡經驗方

用明礬無瑕點如水晶透明者不拘多少五月五日午時研為細末晒乾磁器盛之但遇瘡毒初起時以礬末三錢加葱白頭細切如花拌勻用好酒調服瘡在上飽服在下空心服盡醉一時或吐以茶壓之或將礬乾與葱白搗爛為丸

以酒吞下亦可若未製不拘時節以生礬照方服以後方敷之

以前晒過礬末五錢加麝香一分取活蝦蟆一箇去肚腸搗爛如泥敷毒瘡週圍留頭出氣不過一日夜即愈

淵然真人奪命丹

治疔瘡發背腦疽乳癰附骨疽

一切無頭腫毒惡瘡服之便有頭不痛者服之便痛已成者服之立愈乃惡症藥中至寶

蟾酥二錢乾者老酒化

血竭一錢

沒藥

銅綠

硃砂二錢為衣各

輕粉半錢

寒水石各錢

雄黃



三錢麝香五分腦子五分無蝸牛十一箇連殼用蜈蚣酒浸

炙黃去頭足

右為細末將蝸牛研作泥和前藥為丸如菘豆大若丸不就以好酒煮麪糊為丸每服只一丸先用葱白三寸令病人嚼爛吐於手心男左女右將丸子裹在葱白內用無灰熱酒三四盞送下避風處以衣被蓋覆約人行五里之久再用熱酒數杯以助藥力發熱大汗出為度如汗不出重者再服二丸汗出即効初覺者二丸即消三五日病重者再進二丸如疥瘡走黃過心難

治汗出冷者亦死如病人不能嚼葱搗爛裹藥仍以熱酒吞下瘡在上食後服瘡在下食前服後忌冷水黃瓜茄子油麪猪羊雜肉魚一切發瘡等物及婦人洗狐臭犯之難治

透膿散 治諸癰瘡及貼骨癰不破者不用針刀一服不移時而自透

蛾口繭用出子

右將繭兒一箇燒灰用酒調服即透若服一箇只一箇瘡口兩三箇即兩三箇瘡口切莫輕忽治發背并疔瘡癰瘡一切無名腫毒



先將硃砂為末以盤盛之揀明礬鮮明者不拘多少用砂鍋溶化就熱用筋頭挑熱礬敲成丸入硃砂盤內相拌為衣如豆大小壯者服十三丸虛弱者或九九七丸用生葱搗汁和滾湯將前藥送下用厚綿被蓋臥出汗即愈如汗不出再依前服以汗為度其方就丸就用

蟾酥丸

治諸惡毒發背等症

將活蝦蟆以手指甲擠白漿如乳汁者逼板上取下為蟾酥於五月五日午時取者為佳每一兩用透明雄黃一兩五錢為細末搗碎之

如小菘豆大用辰砂為衣每服三丸用好酒三四盞吞下毒在上飽服在下空心服年幼者止可一二丸服後用綿被蓋毒上少睡一二時即散三五日毛管黃水出即愈

瘡腫方

用甘草節金銀花等分煎服腫毒瘡疥皆治治腫毒初發時即將香油一杯熱溫飲之則毒不攻心可以緩治

又方 用花椒鹽煎水洗以黃梔樹嫩頂搗爛傳上日換三次一洗一換



諸瘡腫毒

用癩蝦蟆生剝其皮乘熱貼諸般腫毒之上如對口之類極見效

治各項腫毒

用白芨末以無根井水調攤紙上貼患處已成者加大黃少許

治極毒疽瘡

凡手指及諸處但瘡將發覺極癢不可忍及身熱惡寒或麻木此極毒之瘡一時醫藥不便亟用針刺破癢處擠去惡血數次候血出盡方用

口噙凉水吮之水温換水再吮必俟癢痛乃止

即愈

鐵井攔 治一切腫毒背癰以此藥圍定不復鮮開

芙蓉葉重陽前取蒼耳葉端午前收右為末蜜水調

治發背

雄鷄用剪剪鷄冠尖上少許懸脚頭向下滴血瘡上血盡再換不過五六鷄止痛消毒其瘡不數日自愈

內托散

大黃 牽牛 各等分 為末



凡肚腹膨脹大小瘡有形跡者水半碗將藥末入內煮一沸空心服之泄瀉自愈

治發背方 彭幸菴傳 亦治一切疔腫瘡毒

凡人中熱毒眼花頭暈口乾舌苦心驚背熱四肢麻木覺有紅暈在背後即取槐子一大抄揀淨鐵杓炒茶褐色用好酒一碗滾過逼去槐子止乘熱服酒一汗即愈如仍未退再揀槐子一抄如前炒煮服之極効縱成膿者亦無不愈此三十年屢驗之方也

又方 生明礬每服二錢用好酒調服

五倍子炒去火毒研為末醞醋調敷於腫處中留一竅乾又敷

又方 用大黃朴硝等分為細末以童便調敷即散如血不散用榆樹皮末倍加和前藥敷

又方 用槐花蒸豆粉各一升炒作象牙色研為末次用細茶一兩煎一大碗露一宿將藥三錢調勻有頭留頭無頭盡敷莫犯婦人手

治發背神効方

用榆樹一名田柳樹根皮切碎清水泡洗搗極爛和香油徧敷患處只留瘡頭出氣若藥乾拘急用



苦茶濕潤藥不粘更換新者將愈用桑葉口嚼  
斷筋隨大小貼患處漸收小合乃止

治痛瘋楊梅瘡方 此方平和而取效速

當歸 防風 牛膝 羌活 甘草 木瓜

金銀花 皂莢子 熟地黃 川芎各一錢 硬飯

兩四

右用水五鍾煎三鍾空心服一鍾十服一鍾將  
晚服一鍾渣再水三鍾煎一鍾半作茶用

楊梅瘡立效方

輕粉 雄黃各二錢 冰片 麝香各半 辰砂六分

右為細末紅米飯為丸如梧桐子大空心無灰  
酒下二十九

又方

龜板 畫皮各二錢五分 冰片一分 箭沙 秋石各一錢

輕粉三分 何首烏五錢

右用紅米飯為丸如梧桐子大每日二服四十  
丸好酒送下

加味遺糧湯 治楊梅瘡風毒及悞服輕粉癱瘓筋

骨疼痛不能動履者服此除根仙道糧即硬飯  
濕者二兩乾者一兩五錢白者佳紅者傷人俗



名冷飯團本草名草解

防風 木瓜 木通 薏苡仁 白鮮皮 金

銀花各五分 皂莢子四分 如虛弱加人參 當歸各七分

分

右用水一鍾半煎至一鍾空心一服午前服  
午後連前二渣煎一服一日三服病淺者十餘  
日可愈病深者服四十日全愈忌食牛羊肉雞  
鵞魚腥茶燒白酒最忌房事

天庖瘡方

紅棗肉 核桃仁五錢 槐花二錢 輕粉二錢

先用羊肉湯下二日後用鮮魚湯下三次用燒  
酒下

經年頑瘡不痊

孩兒茶二錢 錫四錢 當歸二錢 水銀四錢 蓮殼二錢 水花硃

四錢 梔子 硃砂 蟬蛻 雄黃 蜂窩 大黃

各二錢 麝香二分 白花蛇五分 沒藥二錢

右俱為細末以綿紙作拈子成線香油炮透  
入燈盞內照明入斗內盛放口含水用大包袱  
一箇將頭蒙薰除根忌口其骨自然不疼

治多年不愈天庖頑瘡



南膽礬 汞 礬治過各香油量

右共研不許犯鐵器汞不見星為度四肢均搽  
左手撫耳右手撫臍不許犯風用加衣巳時上  
藥午時出汗未時省衣如此三日神効

又方

防風錢五 薄參錢二 輕粉錢一 槐花 白花蛇 烏梢

蛇

右為細末蜜為丸每服九九清米湯下 凡婦  
人有瘡腹中有孕者不必加白花蛇槐花

又方

硃砂少 輕粉四錢 槐花

右為細末蜜為丸每服五七丸出膿血口破時  
時水嗽

又方

雄黃 黃香 官粉 黃蠟 花椒 白礬飛過

銀硃 香油各等分為末鎔黃蠟和香油成膏

先用荆芥甘草煎湯洗去潰爛以帛拭淨後將  
藥敷在患處一日換一次

治風瘡方 用陳年菜子油熬川山甲成膏塗之立  
愈



治搭背瘡或凡百瘡不收口者

用文蛤不拘多少焙乾為末用臘醋脚調勻用  
鷄毛將瘡週圍擦上即收口

治疔瘡方

雄黃 硃砂各五錢 蟾酥二錢 片腦一錢

右為細末用蜂蜜調成膏子白鐵盆盛之遇疔  
瘡有頭者針刺破有血水流將藥用豆大按  
上其血水流莫動有泡者針刺破泡去水亦  
將此藥用豆半大按上週圍用敗毒散貼之勤  
勤以水潤之

敗毒散 疔瘡走動用此方

黃蘗 黃連各一兩 川烏二錢

右共為細末羅過為末用冷水調成膏攤在腫  
處頻以水潤之其腫自消

又方 取稀莨草根用生酒搗爛連酒下立効

治臙瘡隔紙膏

蘄艾末 飛丹 韶粉

右三味以生桐油調勻攤紙上隔紙貼之先以  
葱椒米泔水洗過方貼

又方



孩兒茶

乳香

各三分

沒藥

輕粉

各二分

百草霜

四兩

黃蠟

五錢

黃丹

淘血餘

香油

四兩

先用油熬次下血餘蠟丹水內滴成珠者方可  
下孩香諸藥不許見火取出成塊油紙攤膏貼  
在瘡上其臙棒等瘡五七日自愈

又方

用黃蠟盛鍋中煎化良久沸過用舊黃曆  
紙剪成四方如膏藥紙大將前蠟攤上復用黃  
丹攤於蠟上又剪一方曆紙如前法攤一箇却  
將攤過二紙相合過一二日取開貼於瘡上如  
膏藥然即生肉自愈久瘡不愈者尤見神效

又方

用黃蠟鎔化油紙攤成膏藥十二箇半日  
一換換時以先貼者加其上不待盡而愈

又方

先用香油四兩煎沸用花椒一撮入內煎  
至焦黑用鹽一撮煎至數沸又入黃蠟煎少許  
用紙淋過去渣以磁器盛之次日用油紙攤上  
貼在患處連換數次即愈貼後患處若癢發小  
瘡疥則以熱葱艾水洗之又貼如前即愈

又方

用香油一碗煮椿柳槐條花椒頭髮熬數  
滾將各物去却後將黃蠟入油化開及將黃丹  
官粉乳香沒藥輕粉少許研末入油內再煎三



滾冷定成膏攤油紙上將瘡洗淨將藥貼上用  
油紙三五層包住不着風十日即好雖遠年者  
神效

又方

赤石脂 龍骨 血竭 乳香 沒藥 滑石

明府骨 黃栢末 冰片 白石脂各等分

右為末熱湯洗淨付之

又方

斑猫一箇 紫蘇二錢 乳香少許 甘草少許 甜茶三錢 龍骨少許

菊花二錢 榆葉六十七片 曬乾

右用水一大碗將前藥并榆葉同投在罐內煮  
半日將榆葉撈起放淨上地上片時候乾收藏  
藥水不用丸瘡先用葱鹽湯洗淨後用葉貼上  
一二日換若瘡邊肉色紫黑是將愈之驗也

又方

輕粉 乳香 沒藥 血竭 龍骨各一錢 黃栢

五黃連五分甘草分

右共為細末用黃蠟一兩真麻油九錢熬化傾  
磁器內成膏再將藥末入油蠟內量瘡大小分  
作餅子貼之每日用濃茶加鹽少許洗三四次



治下疳瘡

用輕粉一味研細乾糝之即結乾爛而愈

又方

輕粉二錢珍珠三分飛白礬許少海螵蛸許少

右為細末溫水洗淨糝上

又方

孩兒茶 乳香 沒藥不見火官粉炒過麝香許少龜

骨 紅褐燒灰新的好五倍子 珍珠炒過象牙各等分

先用地骨皮煎湯洗淨然後上藥乾者用香油

調搽濕者乾糝

又方

牡礪 龍骨 赤石脂各一錢麝香二分

右為細末凡瘡乾者用香油調搽濕者乾搽

又方

孩兒茶三分冰片半分血竭 乳香 沒藥 赤石

脂各一分盧乾石二分

右為極細末糝患處包裝

又方 用黃薔薇葉不拘多少焙乾為極細末洗

淨敷上

治走馬疳



龍骨 赤石脂 老鴉用頭飛禁 麝香 官

粉各等分

右為細末乾者用香油調搽濕者乾搽

治一切瘰癧鼠瘡

姜蚕 赤小豆 甜瓜蒂 麻雀糞 磨刀泥

虎皮斑毛各等分

右共為細末每服二錢四更空心無根水送下

三箇時辰為度如不行三日後再一服忌一切

發物止用米湯不可用冷水

又方

烏鷄子七枚斑貓四十九粒每鷄子一箇破頂用

筋攪勻入斑貓七粒以紙糊蓋飯上蒸熟取開

去斑貓食鷄子煎五積散蘸下日服之不過四

五箇已破者生肌未破者自消忌鷄魚煎炒

又方 天麻子去殼用新瓦炒微黃臨臥以白酒

漿吞七丸至九九不數日愈

夏枯草湯 治瘰癧馬刀不問已未潰或日久成漏

用夏枯草六兩水二鍾煎至七分去渣食遠服

此生血治瘰癧之聖藥虛其當前濃膏服并塗

患處多服益善桑十全大補湯加香附子貝母



遠志充善

疥瘡方

檳榔七箇硫黃兩飛礬錢一輕粉分五川椒錢三

右為末等分將滾湯放溫洗囊物拭乾用前藥

以香油調勻付囊下令徧四五次即愈婦人擦

在尾尻骨上男用左手女用右手敷擦擦後勿

洗手

大楓膏 治疥瘡最効

大楓子四十九箇杏仁四十九箇川椒 枯礬 輕粉

樟腦 蛇床子各錢三柏油燭兩三

先將諸藥研細入柏油燭同研塗之

又方 治一切乾濕疥癬并膿窠爛瘡

大楓子連殼用 兩 枯礬錢四樟腦分三蛇蛻火煉存性 蜂

窠火煉存性 水銀錢五柏油燭兩四

先將大楓子諸藥為末次入柏油燭次入水銀

同研勻塗付

又方 治効同前

水銀錢一生礬錢三松香錢五柏油燭錢九

右如前法製研黑色為度疥癬抓破付之

又方



檳榔 蒼朮 柴胡 人言 硫黃 花椒  
飛礬 大楓子

右為細末香油熬搽

又方

大楓子 章腦各三錢 水銀一錢 枯礬七錢 黃栢八錢

先將黃栢研極細次研大楓子如泥和水礬栢再研勻後入章腦研合濕潤擦瘡上

洗疥方

大黃 黃芩 荆芥 當歸 芍藥 川烏

草烏 黃連各五錢 甘草三錢 威靈仙一錢

右用水一桶煎洗

薰疥方

艾二錢 木鱉子二錢 硫黃一錢 砒一分

右為末燒煙入被內薰疥即愈

治諸般疥癩瘡

蛇床子一斤 大楓子取肉四兩 白礬五兩 檳榔為末

一兩為末

右香油半斤調搽小兒頭瘡少加松香輕粉

鼠癬方

雄黃 防風 蒼朮 柴胡 巴豆去油 輕粉



右為細末香油調搽

癬瘡方

枯白礬錢二樟腦錢一

右為細末酸醋調勻將瘡擦去皮以前藥搽之

洗癬疥方

苦參 川椒 熬水洗神効

又方

川槿皮兩四滑石 白薇各一兩斑猫三十箇去地

龍肝錢五青娘 紅娘子各二箇鷹屎白錢二

右用井花水調厚敷癬上多年者三五次年近

者一二次即愈再不發

治癩風瘡方

擦藥 膽礬 明礬飛枯各一兩水銀二兩

右二礬不着鐵器石鉢中研極細和勻并作一

分製時不許婦女雞犬等見水銀另作一分各

貯磁罐內視人強弱用藥多寡如極強壯者其

礬多不過五錢極怯弱者少不下三錢三日三

次俱於午前擦之次兩日每日減去一錢其水

銀六分如數漸減同礬入磁盞內將麻油用竹

片攪和厚糊使水銀一星不見與礬為一色而



止視瘡上下體多寘中晝大小半如上體多用  
大半少用小半下體多用大半少用小半先將  
右手掠藥抹左足心擦起隨以左手掠藥抹右  
足心兩手輪流交相遞換患者無力不能令人  
代之盡其半藥用紙裹足即以被覆下體而坐  
然後自左手心以及右手心輪流如擦足法以  
多擦為上藥盡即仰臥覆被操手掩臍怕裹其  
額隨天炎涼用被厚薄視人強弱取汗多寘坎  
二日亦然三日三食止許一味淡白粥雖一菜  
亦不可用擇精室遮密設榻下帷不許透風水

火飲食俱在帷內如口齒發瘡出涎用清涼茶  
或菘豆湯嗽吐三日後其瘡自乾脫屢煎湯薰  
洗人弱則間一日

洗藥 石菖蒲 何首烏 防風 荆芥 劉寄

奴 苦參 甘草 鐵腳 歲靈仙

右八味各三兩不犯鐵器 咬咀為片用水二斗  
砂鍋內煎至一斗半燒一鷲卵石在甕就於臥  
室中用蘆席圍蓋木盆止留一角傾湯出入隨  
即掩之患者跨坐盆上湯氣稍緩避於盆傍將  
前燒紅鷲卵石投入使湯氣發仍坐盆上薰蒸



透徹湯可入手濡布淋洗淨拭易衣床榻鋪蓋俱不用舊者是日煮鷄湯米飯啖飽惟羊肉燒酒當忌百日餘無不可食者矣大抵此藥功在發汗而口出惡涎齒根發瘰腹瀉惡積舊曾受輕粉毒者亦併去之真仙方也

治天蛇頭毒瘡

昔會水灣陳玉田妻患此疾一老翁用水蛇一條去頭尾用中腰一段如手指長剖去骨肉不令病者見用皮包手指自然緊定用紙裹之頓覺半身皆涼其瘡即愈數日後病者方見之急

扯去蛇皮手指有一溝如小繩然視蛇皮內有一小蛇頭眼俱全可怖也

治赤白汗斑

灸夾白穴即愈或以針刺之出血亦愈此試驗者夾白穴先於兩乳頭上塗黑令兩手直伸夾之染黑處即是穴也

治便毒方

以大蜘蛛一箇椿爛用生白酒泡服即愈

又方用魚膠熬化攤在樽皮上貼患處即愈

治對口瘡



皂角針 金銀花 防風錢各一 甘草分八 乳香

沒藥各五分 陳皮 知母 天花粉 白芷 當

歸 連翹 川山甲 赤芍藥錢各一

右用水一碗酒一盞煎至七分溫服

又方 用人腦骨燒成灰為末細糝上三五日立

効

治熱湯瘡

用水裏青苔陰乾為末無根水調搽患處

治湯火瘡

用螺螄殼多年乾白者火煨為末如瘡破用乾

糝之如不破輕粉清油調傅之

治坐板瘡痒者

用絲瓜皮陰乾為細末燒酒調搽

神異散 治魚口便毒瘡

金銀花 天花粉 木鱉子錢各一 甘草分三 連翹

黃芩各八分 梔子七分 川山甲錢二 皂角針錢三 木香

五分 大黃錢三

右用水一鍾煎至半鍾入黃酒一盞煎三五沸

空心溫服

又方



沉香 木香各三分 麝香 一分 丁香 一分 藿香 一分 獨活

寄生 連翹 大黃 射干 木通 皂角刺

羌活 升麻 各一分 沒藥 甘草 各五分 金銀花

右用水一鍾半煎至七分食前溫服

### 蝮蝨瘡方

豬肺甲 燒灰 燈心 丙油調搽

黃香膏 治黃水肥腫等瘡如神

百草霜 香油 桐油 黃香 乳香 沒藥

右為末合和煎膏搽患處

### 治頑瘡

巴豆 十粒 去油 甘草 三兩 為末 直 油 三兩

右調搽馬癩亦治之

### 治濕瘡膏

黃蠟 兩 豬膽 箇 頭髮團 一 輕粉 錢二 香油 兩一

先用香油熬四五沸然似下黃蠟又熬五六沸後下頭髮慢火熬用槐柳枝不住手攪候髮消化有渣滓取出後下輕粉畧熬一時傾入磁器或茶甌內用冷水浸少刻許成膏不拘遠年近日一應膝下足心足背濕毒疼痛不可忍難於步履者隨瘡之大小攤貼之不日間毒水流



拭乾加藥再貼即生肌布肉瘡口漸收奏效矣  
治暑月癩毒

用槿樹花搗敷最妙

治凍瘡

用茄子根濃煎湯洗并以雀兒腦髓塗之

湯火瘡

用臘月猪胆塗黃稻炙乾為末付之

火燒

桐油 二錢 水 二錢

右二件以桃柳枝不住手攪成膏再入少水溶

外用 兒肚底毛細剪上

下疳瘡

蛤粉 蠟茶 止口參 密陀僧

右為末河水洗淨以臘猪油調付 又治腫瘡

又方

用米泔水洗瘡淨用頭髮以鹽水洗淨去油  
再用清湯洗晒乾燒灰付瘡上即時生壓面

癬瘡

浮萍 一兩 蒼耳 蒼朮 一兩 苦參 一兩半  
黃芩 半兩 香附 一錢半



右用酒糊為丸

又方

蘆會 大黃 麴粉 雄黃 蛇床子

槿樹皮 栝榔

右為末先刮癬後用米醋調藥末塗之

攝生衆妙方卷之八終



